



**Erasmi a Chokier Tractatus iurisdictionis ordinariae in
exemptos, illorumque exemptione ab ordinaria
iurisdictione**

in duos tomos distinct.

I. Scholia in Constitutionem Concilii Lateranensis. II. Conservatorias
Ecclesiasticas quaest. 130. III. Conservatorum Laicorum materiam,
Tribunali viginti duûm virum Leod. adoptatam comprehendens

**Chokier, Érasme de
Coloniae Agr., 1684**

Quæstio 110. Qualem iurisdictionem Episcopus habeat in Monachos.

[urn:nbn:de:hbz:466:1-61908](https://nbn-resolving.org/urn:nbn:de:hbz:466:1-61908)

& extra ordinariam potestatem, *Andreas Barbat. conf. 88. nu. 5. vol. 4.* Unde est quod *Fridericus de Senk. conf. 130. nu. 3.* scribat, processum Episcopi seu ejus Vicarii habentis ordinariam & Apostolicam auctoritatem non tantum ex speciali Pontificis, sed etiam ex generali Canonis dispositione uti in multis casibus id ita constitutum est, *Clem. quia contingit de Relig. dom. Clem. 1. de suppl. neg. pralat.* esse omnino nullum, si cum illum ordinaria potestate facere non potest, eundem faciat nulla qualitate expressa, ob id quod nulla expressione facta censeatur actum facere sua ordinaria non aliena seu delegata potestate, ita *Wames. adicienda* tamen non abs re videntur ea restrictiones, quas eadem in materia alio in loco attuli, *d. quest. 14. nu. 7.*

QUESTIO CX.

Qualem jurisdictionem habeat Episcopus in Monachos.

SUMMARIUM.

1. Ordinarius quo ad regularia instituta non habet in Monachos jurisdictionem.
2. Secus quo ad crimina publica.
3. Limitatur nisi Monachi essent exempti.
4. Item nisi Monasterium sit alicui Praelato pleno jure subiectum.
5. Paria sunt territorium habere, vel pleno jure esse subiectum.
6. Episcopus in alieno territorio alteri pleno jure subiecto jurisdictionem exercere non potest.
7. Idque non obstante Concilio Tridentino.

Responderur, quo ad Regularia instituta nullam habere jurisdictionem quo vero ad crimina publicis legibus seu Canonibus vindicata jurisdictionem habere, *Prosper Farina. decis. 770. cent. 7. decisionum impressarum Francosuri 1612 cap. omnes Basilica 16. quest. 7. hujus de Episcopo lib. 4. par. 2. quest. 35. nu. 81.* quod maximè procedit in Abbatis quorum Episcopus caput etiam est, *velut Abbas patronum. causam qua 1. nu. 8. de iudicis.*

Limite autem, nisi Abbatia sua Monasterio essent à Jurisdic. Ord. in Exempt. *Farina. d. dec. 770.*

Limite secundo, nisi Monasterium sit alicui Praelato, utpote Abbati vel altero jure subiectum, *Farina. dec. 136. nu. 2.* paria enim sunt territorium proprium habere vel pleno jure esse subiectum *glo. Clem. 1. verb. aut earum par. 1. de foro compet. Card. conf. 25. Gemini. Franc. & DD. cap. ut animarum de constit. Episcopus autem*

in alieno territorio alteri pleno jure subiecto jurisdictionem exercere non potest. DD. d. loco. Neque impedit Conc. Trid. Quia illud non revocat jurisdictionem aliorum ordinatum licet Episcopis inferiorum, Navarr. conf. 9. de privileg. Dec. cap. ad nostram num. 14. de appellat. prout & ego adhuc superius comprobavi, viderique poterunt ea quae hanc materiam concernentia latius in scholis adduxi.

QUESTIO CXI.

An Exemptiones & Conservatoriae amittantur per non usum.

SUMMARIUM.

1. Privilegium sine contradictione non amittitur per non usum.
2. Signanter cum privilegio inest clausula irritans.
3. Jus non utentium conservatur ex iure utentium.
4. Jus patronatus per usum compatroni conservatur.

Privilegium non amitti per non usum nisi antecedit contradictio, late respondit Wamsf. tomo 2. conf. Fel. & DD. sap. cum accessissent de constitut. Imò verò non tolli per non usum quoties privilegio inest clausula irritans ut inesse consuevit exemptionibus, resolvit Rota decis. 3. de privileg. in antiq. Farinae. dec. 240. num. 5. fol. 135. editionis Francofurtensis anni 1612. signanter etiam in casu quo Collegium aliquod particulare dicitur, non usum privilegio, conservatur enim non utenti jus ex usu aliorum utentium, qui sunt ejusdem ordinis quibus de non usu opponi non potest. Farinae. ibidem. ad instar juris patronatus, quod per usum compatroni conservatur, Abbas conf. 54. lib. 1. Curtius de jure patronatus vers. competens num. 24. Farinae. d. decis. 240. num. 6. & 7. qua de re vide quaedam quae superius attuli, quest. 58. & 61. & lib. 3. de Jurisdic. Ord. in Exempt. quest. 13.

QUESTIO CXII.

Revocatio Exemptionum & Conservatoriarum sine favorabilis vel odiosa.

SUM-